

EDITORIAL

Agsagana iti sumaruno a tukad ti tignay protesta laban iti korapsyon ken pasismo ti rehimen Marcos

Nasurok-kumurang tallo a bulan ti kapaut ti umuna a tukad ti tignay protesta laban iti korapsyon ken burukrata kapitalismo. Umuna a bintak daytoy idi Setyembre, ken nagtungpal iti nailyan a koordinado a demonstrasyon daytoy napalabas a Nobyembre 30. Tunggal lawas iti baet na ket dagiti *walkout* ken demonstrasyon dagiti estudyante kadagiti unibersidad manipud amyanan a Luzon agingga kadagiti syudad ti Kabisayaan ken Mindanao. Iti nadumaduma a komunidad, ili, pabrika, upisina ken kadagiti simbaan, nagrali ken nagmartsa ti nadumaduma a sektor a pinagkaykaysa ti komun a pungtot iti korapsyon ken bulok a sistema.

Nangrugi iti iskandalo iti binilibyon a piso a kikkab iti naanomalya a *flood control projects*, saan a nagbayag ket rimwar ti nadumaduma a kapada a nakakaro a langa ti korapsyon iti gubyrno. Naibunannag ti naanomalya a "farm-to-market road" ken nadumaduma a naipatakder nga imprastruktura. Naiparang met ti ginagasut a bilyon a piso nga "alokabol" iti nailyan a badyet ken ti ilegal a panagaramat ni Marcos iti pondo ti PhilHealth.

Nangrugi iti panawagan nga "amin a karaman, rumbeng nga agsungbat" ken panangbabalaw kadagiti upisyal ti Department of Public Works and Highways (DPWH) ken dagiti kasabwat a kontraktor, konggresman ken dagiti senador. Saan a nagbayag, inpukkaw dagiti kabataan ken ti nadumaduma a sektor ti "Marcos,

Duterte, padisyen!" kalpasan a maibunannag a mismo a ni Marcos ti Ari ti Agtatakaw nga adda iti tuktok ti bantay ti tinakaw a kinabaknang, ken ni Sara Duterte ti Reyna ti Korapsyon a nangbusbos ti ginasut a milyon a pondo ti umili. Mapagsasaritaan tatta ti panangibangon ti nailyan a konseho a pangtransisyon,

tapno irupir ti interes dagiti demokratiko a sektor iti anyaman a maisukat a gubyrno.

Ti panaglayus ti protesta manipud Setyembre ket maikumpara iti istorikal a panagdalluyon dagiti protesta iti pagilyan. Kadagiti napalabas a dekada, mano a daras a bintak dagiti nabileg a tignay ti umili, a dua a daras a nangpabagsak iti nakatugaw a presidente (Marcos idi 1986 ken Estrada idi 2001). Nayon kadagitoy ti patriyotiko a panagrukwas dagiti kabataan idi First Quarter Storm iti 1970, dagiti welgang bayan idi 1989-1990, dagiti rali laban iti korap ken pasista a rehimen Arroyo ken nalawa a demonstrasyon kontra iti *pork barrel*



idi 2013-2014.

Sarming ti nalawa ken nauneg a pungtot ti umili ti panagbettak ti tignay protesta. Ti napasas a panagpuswak daytoy ket tanda ti agburburek a pungtot ti umili iti awan sarday a panagtayok ti presyo, panangilansa ti sweldo ken kabuklan a panagsuwek ti pagbiagan da, iti si-dong pay laeng ni Duterte ken kimmaro idi nagtugaw ni Marcos. Ad-adda a simged ti unget ti umili iti sango ti nasaknap a didigra manipud Cebu agingga Palawan gubway ti bagyo ken dagiti bulok a proyekto a *flood control*. Ti panagibulsa ti binilyon a piso a kwarta ti umili ket nangparubrob iti saan a mapukpukaw a gura ti umili iti agtatakaw a pamilya a Marcos.

Naidasay iti nauneg a krisis ti pulitika ti rehimen Marcos gapu ti panaglayus dagiti tignay protesta. Ad-adda a nadayyeg daytoy iti naitutaktak a ni Marcos mismo ket imawat ti saan a bumaba iti ₱25 bilyon a kikkab wenno "SOP" kasukat dagiti proyekto a pang-imprastruktura nga inmandar na nga iserrek iti badyet. Iti gandat a kaluban ni Marcos, sumagmamano a nangangato nga upisyal na ti insakripisyo ken pinaglosulos na. Kabilang kadakwada ti pangulo ti gabinete a nanaga-

nan a sangkot iti anomalya.

Binukel ni Marcos ti "independyente a komisyon" tapno kano agimbestigar kadagiti anomalya, ngem tapno laeng ilemmeng ti papel ti Malacañang iti korapsyon. Tapno agpalastog ken sebseban ken iyadayo kenkwana ti ruod ti umili, idurduron tatta ni Marcos nga idarum ken arestaren ti sumagmamano a dadakkel a kontraktor ken mabigbig a pulitiko.

Ni Marcos ket agpospostura a kontra-korapsyon umannurot iti balakad ti imperyalista nga amo na tapno ikkatan ti angin ti tignay protesta kontra korapsyon. Kabadang na ti sumagmamano a lider ti Akbayan a sipipinget a mangiyaw-awan iti tignay kontra-korapsyon manipud iti panangpasungbat ken Marcos ken gabburan ti awag para iti panaglosulos na. Iti met laeng balakad ti US, inmandar ni Marcos ti balbaliw a panangingato ti sweldo dagiti soldado ken pulis, iti gagem nga ikonsolida ti kontrol na iti AFP ken PNP, ken nairirut a maaramat dagitoy iti brutal a todo-gera laban iti masa a mannalon iti kaaw-awayan ken panangipawil iti manamnama pay a panaglawa dagiti protesta ti umili iti umay a panawen.

Kalpasan a tuloy-tuloy nga im-

mabante manipud Setyembre, ti tignay protesta laban iti korapsyon ken burukrata kapitalismo ket addan iti tukad ti konsolidasyon - ti panagpagpisa ken panagsagana para iti balbaliw a panagbwelo. Karit kadagiti pwersa a nailyan-demokratiko nga adda iti umuna a linya ti tignay protesta nga aglagom ken umadaw kadagiti adal manipud iti napalabas a tallo a bulan. Karit a patibkeren ken palawaen dagiti timpuyog da, adadda pay a palapaden dagiti alyansa da ken pagpisaen ti pangngeddeng a labanan ti korapsyon ti rehimen US-Marcos.

Karit kadakwada a tuloy-tuloy nga agsagana iti sumaruno a tukad babaen ti panangdanon ken panangorganisa iti ad-adu pay a pabrika, nakurapay a komunidad, eskwelaan ken dadduma pay a sentro ti populasyon ti pagilyan, ken paadwen dagiti aksyon protesta ti masa kadagiti lokalidad da. Karit a paunegen ti pannakaawat iti burukrata-kapitalismo, iti nadumaduma a langa daytoy ken kadagiti ramut ti panagrig-rigat ti umili. Mano a daras a palawaen ti alyansa a kontra-korapsyon ken pairuten ti panagkaykaysa laban iti panagari dagiti Marcos ken Duterte. Karit met nga ibunannag dagiti peke a progresibo a lider ken dagiti ultra-konserbatibo tapno maawid dagiti masa a kontra korapsyon a maal-allilaw ken maiyaw-awan da iti biddut a dana ti panagrukma iti ari ti korapsyon.

Karit iti Partido ken kadagiti rebolusyonaryo a pwersa nga agpagpisa iti tengnga ti agtultuloy a nalawa a tignay kontra- korapasyon ti umili ken pananglaban iti pasismo ti rehimen US-Marcos. Ad-adda pay a palawaen dagiti limed a timpuyog ti masa tapno tuloy-tuloy a riingen ken allukoyen ti nalawa a masa ti umili nga iyabante ti demokratiko a rebolusyon ti umili kas pudno a solusyon iti krisis. Iti sango ti nalabes a pungtot iti kinabulok ti intero a reaksyunaryo nga estado, nakasaysayaat tatta ti sitwasyon tapno agrekrut para iti New people's Army ken iyabante ti gubat ti umili iti kaw-awayan.



Tawen LVI No. 23 | Disyembre 7, 2025

Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagdur-as ti pagiwamak tayo.

Linaon

Editorial: Agsagana iti sumaruno a tukad ti tignay protesta laban iti korapsyon ken pasismo ti rehimen Marcos 1

Rinibribo, balbaliw a timmakder kontra iti korapsyon 3

Saan nga agsarday a tignay 3

Agdadata a panagtakaw ni Marcos 4

Agpappapigsa ti KM para iti DRB 5

Edukasyon para iti komunista a panagmul 6

Pasismo iti puseg dagiti pagilyan nga imperyalista 7

Iti ababa a sarita 8

4 a soldado, napatay kadagiti engkwentro 9

Panagari a militar iti isla ti Samar ken Kalinga 9

Dagiti protesta 9

Ruk-atan dagiti mariposa! 10

Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan

 ang.bayan@cpp.ph

Rinibo a Pilipino, balbaliw a timmakder kontra korapsyon

Balbaliw a nagmartsa iti kalsada idi Nobyembre 30 ti rinibo a Pilipino iti nadumaduma a paset ti pagilyan tapno agprotesta laban iti maibutbutaktak a nasaknap a korapsyon iti gubyrno. Kagiddan daytoy ti pananglagip iti mai-ka-162 a kasangay ti ama ti panagrukwas ti Pilipino a ni Andres Bonifacio.

Iti didiay nga aldaw, umaw-a-weng dagiti awag ti umili manipud iti panangpasungbat iti amin a karaman iti kunniber, panangduprak kadagiti dinastiya iti pulitika ken panangpaibbat iti poder iti presidente a ni Ferdinand Marcos Jr, bise presidente a ni Sara Duterte, ken dadduma pay a kunniber nga upisyal.

Iti panangiyuna ti Kilusang Bayan Kontra Kurakot (KBKK), nasurok 20,000 ti nagtitipon iti Luneta Park idia Manila para iti protesta a Baha sa Luneta 2.0. Ginandat ti rehimen Marcos nga idiskaril ti tignay iti panangiparit kadakwada nga agtitipon ken agisayangkat ti programa. Saan a nagawidan ti panangsabotahe ti pukkaw ti umili para iti panagsungbat dagiti nakabasol ken hustisya.

Dimmar-ay iti tignay ti nadumaduma a grupo, pwera ken sektor kabilang dagiti mangmangged, manalon, nakurapay iti syudad, estudyante, babbai ken tao't simbaan. Kas ti immuna nga indeklara ti KBKK, silulukat nga inawat daytoy ti nadumaduma a panawagan dagiti grupo karaman ti panangpaikkat kada Marcos ken Duterte ken panangitakder ti maysa a *transition council*.

Rinibo met ti nagtitipon iti protesta a Trillion Peso March 2.0 a naangay idia EDSA, Quezon City. Inyuna daytoy ti Simbaan Katolika ken dadduma pay a grupo ken partido a mangbukbukel iti Trillion Peso March Movement (TPMM).

Sakbay dagiti tignay, inkagumangan ngem napaay ti KBKK a makitipon iti TPMM para iti maysa a protesta idia Metro Manila. Saan nga umanamong dagiti grupo iti TPMM, partikular ti Akbayan, a naparang nga awiten dagiti grupo iti KBKK dagiti panawagan a direkta nga mangital-

talmeg ken Marcos iti pannakairaman iti sistemiko a korapsyon.

Iti ruar ti Metro Manila, nagtignay dagiti grupo nga alyado ti KBKK idia Baguio City, La Union, Ilocos Sur, Ilocos Norte, Isabela, Tarlac, Calamba City, Cavite, Oriental Mindoro, Legazpi City, Naga City, Antique, Capiz, Aklan, Iloilo City, Bacolod City, Cebu City, Tacloban City, Davao City, Cagayan de Oro City ken idia General Santos City. Naiyulat met dagiti misa, taripnong ken martsa dagiti papadi ken lider ti simbaan, kadwa da dagiti umili iti saan a bumaba iti 86 a diyosesis iti intero a pagilyan.

Iti ruar ti Pilipinas, dumanon iti dandani 2,000 Pilipino a migrante ken dagiti alyado iti 30 syudad iti 23 a pagilyan ti nakipaset iti sangalubongan a tignay kontra korapsyon. Dagiti protesta ket indauluan ti kabukbukel laeng a KBKK-Global.

Step down kontra step up

Ad-adda a limmatak ti panagdu-duma iti panawagan dagiti grupo kanaig iti panangpasungbat ken Marcos mismo. Nagkedked ti Akbayan, maysa kadagiti mangiyun-una iti TPMM, a bigbigen ti kinakaro ti korapsyon ni Marcos, nu di ket imawag pay daytoy nga ag-"step-up" isuna iti pananglaban iti korapsyon. Bin-ig a kaniwas daytoy iti takder ti KBKK a dakkal ti sungsungbatan ni Marcos iti sistemiko a kunniber iti gubyrno.

Immawag met ti Akbayan ken Marcos nga aramiden a prayoridad ti "anti-dynasty bill," uray pay ti pamilya daytoy ti kabulokan a dinastiya iti pulitika.

"Step down" (bumaba kan) ti awag ti Bagong Alyansang Makaba-

Saan nga agsarday a tignay

SAKBAY KEN KALPASAN ti Nobyembre 30, tuluy-tuloy ti panagiruswat ti KBKK kadagiti Black Friday Protest ken dadduma pay a tignay.

Tampok idi Nobyembre 21 ti nailyan a *walkout* ti Youth Rage Against Corruption. Nagmartsa ti 1,500 kabataan idia Mendiola. Kabigatan na, agsina nga aktibidad ti insayangkat ti Seniors Kontra Kurakot ken dagiti siklista kas protesta.

Idi Nobyembre 28, maysa a nailyan a *sit-down strike* ken protesta ti indauluan ti Alliance of Concerned Teachers-Philippines. Nakikaykaysa iti aktibidad dagiti mangisursuro iti nasurok 400 pangpubliko a pagadalan iti 14 a rehiyon iti pagilyan.

yan (Bayan, paset ti KBKK) ken Marcos. Daytoy ket tapno maikkan dalan ti maysa a nawaya ken naanep nga imbestigasyon laban iti korapsyon ken sangwen ti sungsungbatan na kadagiti krimen laban iti umili a Pilipino.

Kalpasan ti protesta ti KBKK idia Luneta Park, indauluan ti Bayan ti martsa agturong idia Mendiola tapno singiren ni Marcos. Inyawag dagiti grupo ti panagibbat da Marcos ken Duterte. Iyaw-awag da a sukatan isuda ti maysa a *national transition council*. Kas ti napalabas, hinarangan isuda ti rinibo a pulis ken naiduron da nga agprograma iti batog ti University of the East iti Recto Avenue. Nakimartsa iti Bayan dagiti pwera ti Partido Lakas ng Masa, Bukluran ng Manggagawang Pilipino ken Sanlakas.

Iti panagleppas ti programa iti Recto Avenue, dinadael dagiti raliyista ti *effigy* ni Marcos a nakasuot ti korona ken *sash* a pintado ti bandera ti US.

Garapalan a panagtakaw ni Marcos iti kaban ti pagilyan

Saan a mailibak a ni Ferdinand Marcos Jr ti utek ken kadakkelan a buwaya a rumbeng a pagsungbaten iti nasaknap a korapsyon iti gubyerno. Iti napalabas a tallo a bulan, tuluy-tuloy a naibunannag dagiti kunniber a direkta a pakairamramanan na, ti pamilya ken kaasitgan nga upisyal na. Agngangabit ti ICI, nga intakder na a komisyon tapno pakalmaen ti unget iti korapsyon ken dalusan ti nagan na.

Kabadang dagiti upisyal na kadagiti departamento ken dagiti kunsabos na iti konggreso ken senado, insubli na ti sistema ti *pork barrel fund* iti langa dagiti "allocable." Nagakop isuna ti binilyon a bukod a *pork barrel* iti langa ti *confidential and intelligence funds*, ken pondo para iti *unprogrammed appropriations* (UA). Sumangsango isuna kadagiti anomalya a mabalin a pagbasaran tapno *ma-impeach* isuna.

Panagaramat ti UA iti *flood control*

Daytoy Disyembre, inbunannag ni dati a Justice Antonio Carpio ti korte Suprema ti pammaneknek ti silpo ti panagiyakar ti pondo a Philhealth ken dagiti naanomalya a proyekto a *flood control*. Idi 2024, nagbalin a paset ti UA ni Marcos ti ₱60 bilyon a pondo ti PhilHealth a "naisubli" iti gubyerno. Malaksid ditoy, naiyalis met iti UA ti ₱170 bilyon a pastrek ti Philippine Deposit Insurance Corporation (PDIC). Inusar ni Marcos daytoy a UA tapno pondoan dagiti palpak ken *ghost flood control projects* (₱170 bilyon) kas ti Davao Bypass Road Project.

Segun ken Carpio, labsing iti konstitusyon ti inaramid ni Ralph Recto, dati a kalihim iti pinansya ken tatta ket *executive secretary* ni Marcos, a panangiyakar ti pondo ti UA.

Kikbak, ismagling ken manipulasyon ti presyo

Manipud Nobyembre 14, pito a bidyo ti inruar ni Elizalde Co, dati a mangibagi ti Ako Bicol Partylist ken pangulo ti komite iti badyet iti Kong-

reso, a nangibunannag iti korapsyon ti pamilya a Marcos. Iti umuna a tallo a bidyo, inbutaktak ni Co ti panangmandar kenkwana ni Marcos

nga isingit iti badyet para iti 2025 dagiti proyekto nga agbalar ti ₱100 bilyon. Mapatta-patta a kimmubra ni Marcos ditoy ti ₱25 bilyon a kikbak. Segun ken Co, nakaideliber isuna ti nasurok ₱50 bilyon a gatad ti kapada a kikbak kada dati a *house speaker* Rep. Martin Romualdez ken Marcos manipud 2022.

Iti nakasina a bidyo, inbutaktak ni Co ti panangmandar kenkwana ti anak ti presidente a ni Rep. Sandro Marcos nga agisingit ti ₱50.9 bilyon kadagiti badyet manipud 2023 agingga 2025 para iti bukod na a kikbak. Iti maysa pay a bidyo, inraman ni Co ti asawa ni Marcos a ni Liza Araneta-Marcos iti nasaknap nga ismagling ti bagas, ikan ken nateng. Kunana, linapdan ni Araneta-Marcos ti imbestigasyon idi iti Kongreso iti ismagling ti bagas ken sibuyas. Daytoy ket tapno kaluban ti papel ti kabsat na a ni Martin Araneta a dadaulo ti ismagling ken manipulasyon ti presyo ti bagas ken dagiti nateng manipud 2022.

"Allocable" kas baro a *pork barrel*

Manipud 2022, insingit ti rehi-men Marcos, a kakumplot dagiti konggresista ken senador, ti *pork barrel* iti badyet iti inawagan daytoy nga "allocable" wenno "mabalin nga ilatang." Iti simple a pannarita, ti *allocable* ket naituding a gatad a



mapan iti tunggal kongresista a pangdistrito. Nakaipalaon daytoy iti National Expenditure Program ti pangulo iti uneg ti badyet ti Department of Public Works and Highways (DPWH). Makubra ti maysa a konggresista ti "allocable" na babaen ti panangisumite na kadagiti singasing nga imprastruktura nga aprubaran met ti pangulo.

Iti imbestigasyon ti Philippine Center for Investigative Journalism (PCIJ), rimwar a ni Rep. Marcos ti addaan kadakkelan nga *allocable* (₱15.79 bilyon) manipud 2023 agingga 2025. Sumaruno kanyana ti uliteg na a ni Rep. Romualdez a nakaala ti ₱14.43 bilyon. Dumandanon iti ₱1.2 trilyon ti kabuklan nga *allocable* a pinagbibingayan ti 254 konggresista iti 14 rehiyon iti napalabas a tallo a tawen.

Lalaunen latta ti badyet para iti 2026 dagiti *allocable*. Nagilatang ti Kongreso para iti bagbagi daytoy ti ₱400 bilyon. Binaliwan dagiti konggresista ti kadawatan da a proyekto a *flood control* agturong kadagiti proyekto a *farm-to-market road*, irigasyon, klasrum, dagiti pasilidad a pangsalun-at, pabalay ken eropwer-to. Daytoy ket tapno liklikan a maikat iti badyet ti pondo da. Adda met nakalatang a ₱100 bilyon a *non-allocable* a naawagan a "free-for-all" a *pork barrel*.

Agpappapigsa ti Kabataang Makabayan para iti gubat ti umili

Kas panangrampak iti maika-61 anibersaryo ti Kabataang Makabayan (KM) idi Nobyembre 30, nagisayangkat ti innadal, asembliya, rali ken dadduma pay nga aktibidad dagiti balangay daytoy. Daytoy ket panangikagumaan met ti KM tapno paregtaen ti tignay a limed iti intar dagiti kabataan, tapno papigsa-en ti pannakipaset da iti rebolusyonaryo a tignay.

Pappapigsaen ti KM ti bagbagi na bayat nga iyun-una dagiti kabataan a Pilipino dagiti nasaknap a protesta kontra korapsyon iti intero a pagilyan manipud pay Setyembre. Al-allukoyen ti KM dagiti kabataan nga ituloy a papigsaen ti pukkaw ken panaglaban da iti korapsyon ken bukrurata kapitalismo. Kagiddan daytoy, ilawlawag da a ti pudno a panagbalbaliw ket magun-od laeng dagiti kabataan ken umili babaen ti gubat ti umili.

Adalen ti gubat ti umili

Idiay Manila, maysa a balangay ti KM iti maysa a kolehiyo ti nagtaripnong tapno talantanen ti sinurat ni Ka Amado Guerrero a Dagiti Partikular a Kagagalad ti Gubat ti Umili Tayo. Pinili da ti artikulo tapno maaadal ti gubat ti umili nga isaysayangkat ti New People's Army (NPA), maawatan dagiti partikularidad daytoy ken maamwan ti pamuspusan ti panangiyabante ditoy manipud iti maysa a tukad agturong iti maysa pay.

"Napauneg daytoy ti panakaawat ko iti gubat ti umili," panangibingay ni Ka Sharon, baro a rekrut ti KM. "Iti laksid ti dasig a nagtaudak, ad-adda a magagaranak tatta a makitipon iti sumaruno a grupo dagiti estudyante a makipaset iti rebolusyonaryo nga integrasyon," segun ken Ka Len.

Sangsangkamaysa met a nagbuya dagiti kameng ti KM ti dokumentaryo ti Sine Proletaryo a Buhay Komunista 2, nagadal da ti rebolusyonaryo a kanta a Pagbati, ken nagbasa da ti daniw nga Ang Gerilya Ay Tulad Ng Makata ni Ka

Jose Maria Sison. Nagtalantan met ti balangay seknan iti panagpartuat ti rebolusyonaryo a sining ken ti panagpada daytoy iti sining ti gerilya a pannakigubat.

Nagiyebkas ti optismo ti upisyal ti balangay a ni Ka Ces iti positibo nga ibunga ti nairuswat da a taripnong. "Sapay koma ta daytoy a panagtatalantan ket mangted kadatayo ti kabaalan nga ad-adda pay a tenneben ti bagbagi tayo iti tay-ak ti ideolohiya," kunana. Ad-adda pay kano a kasapulan daytoy dagiti kameng ti KM iti sango ti umir-irteng a pangpulitika a sitwasyon iti sidong ti rehimen Marcos.

Dagiti rali, asembliya ken OP-OD ti KM

Iti laksid ti pasista a panagipawil ti rehimen, mapanggeddeng a nairuswat dagiti balangay ti KM dagiti rali, asembliya ken operasyon pinta-operasyon dikit (OP-OD) iti sumagmamano a lugar. Plinano da a nalaing dagitoy tapno masigurado ti

kinatalged iti seguridad ti tunggal aktibidad.

Idi Nobyembre 27 ken 28, ken Disyembre 5, nagisayangkat ti rali dagiti balangay ti KM idiay Quezon City ken Manila. Awit da ti bandera ti KM, immawag dagiti kabataan ken umili a Pilipino nga agkameng iti NPA ken idaton ti pigsa, laing ken kabaalan iti panangiyabante ti gubat ti umili.

Idiay Metro Manila, tallo nga asembliya ti KM ti naiyaramid idi Nobyembre. Kabayatanna, nakaisayangkat ti OP-OD dagiti balangay ti KM iti De La Salle University (DLSU)-Manila, DLS-College of St. Benilde, University of the Philippines (UP)-Manila ken Polytechnic University of the Philippines idiay Manila. Inkasa met daytoy ti KM iti UP Los Baños, iti Calamba City idiay Laguna ken iti UP Cebu. Idiay Canada, inyulat met ti maysa a balangay ti KM a pakaibilangan dagiti kabataan a Pilipino a migrante ken diaspورا ti panagisayangkat ti OP-OP.

Agsusumbangir met ti pablaak dagiti balangay ti KM tapno rambakan ti anibersaryo daytoy. Pinadayawan da ni Ka Joma, pangulo a nangipundar ti KM, para iti kaban ti nabaknang nga adal nga imbati na para kadagiti kabataan iti panangiyabante ti rebolusyon a Pilipino. Kabilang kadagiti nagiruar ti pablaak dagiti balangay daytoy iti rehiyon ti Ilocos, Metro Manila, Negros Island, Panay, Laguna, Cavite ken Cebu.

"Iti pannakipagbiag tayo iti masa, napinget a tenneben tayo ti takder tayo. Aw-awagan datayo a rumuk-at manipud iti komportable a biag ken nakairuaman ... ad-adda a napatpateg ti sakripisyon tapno gibusan ti bulok a sistema," pablaak ti KM.



Edukasyon para iti komunista a panangmuli kadagiti mannakigubat

Iti hukbo ti umili, napateg ti panagadal tapno mamuli dagiti mannakigubat kas proletaryo a rebolusyonaryo.

Idiay Luntian, maysa a yunit ti NPA idiay Southern Tagalog, sigsiguraduen ti komite ti Partido iti uneg daytoy a maingatngato ti tukad ti teoretiko a pannakaawat iti Marxismo-Leninismo-Maoismo. Nairut nga isilsilpo daytoy ti teorya iti kongkretito a rebolusyonaryo a praktika ti yunit.

"Ti nagbalin a karit iti panangipatungpal ti trabaho nga edukasyon iti hukbo ti umili ket ti sangsangwen a sitwasyon militar," kuna ni Ka Reymundo, kumander ti yunit. Dandani makatawen a tuloy-tuloy ti manibra ti Luntian gapu kadagiti pinairteng nga operasyon ti Armed Forces of the Philippines. Immadu ti inpakat a tropa daytoy iti larangan gerilya. Pinairteng met daytoy ti panagaramat ti moderno nga armas ken teknolohiya.

Panangparegta ti edukasyon a pangpartido

Nakaturong ti kampanya nga edukasyon ti Luntian iti pakasaritaan ken kadagiti basaran a panagamiris ken linya ti Partido. Panagtungpal daytoy iti praktikal a tarabay iti intuding ti Partido a tignay panagilinteg. Manipud 2024, nairuswat iti yunit dagiti regular ken espesyal a kurso tapno sublian a pagadalan dagiti kamali ken pagkapuyan, ken tenneben dagiti kakadwa kas komunista. Kabilang kadagiti kurso ti Burukratismo, Kumandismo ken Liberalismo, Iinteg dagiti Kamali ken Balbaliw nga Itakder ti Partido, Komunista, Agbalin nga Abante nga Elemento ti Proletaryado, Konstitusyon ti Partido ken Programa para iti Demokratiko a Rebolusyon ti Umili.

Dagiti innadal ket gidgiddanan ti programa a Kolektibo a Basa ken Kolektibo a Tinnalantan (KBKT) kadagiti dokumento a maadal. Daytoy

ket tapno mapamiliyarisa dagiti agadadal kadagiti linaon dagiti kurso. Naallukoy daytoy dagiti kakadwa a sigud nga awanan hilig iti panagbasa ken tinnalantan. Nu maliwayan, mismo a dagiti mannakigubat ti agdamag: "Awan kadi ti KBKT tayo?"

Nagbalin met nga inaldaw nga aktibidad ti Rebokabularyo. Maiyamammo ken maipalpalawag ditoy nga aktibidad dagiti nadadagsen a termino, linteg ken signipikante a personahe nga adda kadagiti topiko iti inaldaw.

Tunggal dumteng, dagus a matalantan dagiti mensahe ti Komite Sentral ken Komite ti Rehiyon kadagiti anibersaryo ti Partido ken Hukbo. Dardar-ayan dagitoy dagiti kadre ken kameng ti Partido iti nadumaduma a tukad, ken uray ti rebolusyonaryo a masa.

Mangpunpunta kadagiti pagkapuyan

Dagiti innadal ket nairut a maisilsilpo iti kongkretito a rebolusyonaryo a praktika dagiti kakadwa. Maad-adaw dagiti ehemplo manipud iti aktwal a kapadasan ti yunit ken praktika dagiti kakadwa.

Gapu ditoy, dagiti innadal ket nagbalin a pagayusan ti unipikasyon dagiti panagtasa ken panaglagom kadagiti pakaseknan a sangsangwen ti yunit.

Maguyguyugoy dagiti kakadwa a sublian ti bukod a rebolusyonaryo a praktika iti panawen dagiti innadal ken aramaten daytoy a tarabay iti panaglagom iti bagi. Iti panawen dagiti panagtatalantan, naluklukay a maisangsango dagiti kakadwa dagiti kamali ken pagkapuyan dagiti indibidwal.



"Adu a daras a mapuntaan iti innadal, dagiti rumbeng nga aramiden, ken nu anya a talaga ti kayat a sawen ti sipupuso a panagserbi," segun iti maysa nga estudyante iti panagtasa ti innadal a nangtalantan kadagiti pamuspusan nu kasano nga agpakalaing kas proletaryado.

Panangrimbaw iti empirisismo

Ti panangingato ti praktika iti teoretiko a tukad dagiti kakadwa ket tulbek iti panangrimbaw iti empirisismo. Daytoy ket tarabay kadagiti panagtasa ken panaglagom. Panggep daytoy nga agitunda ti nangatangato a rebolusyonaryo a praktika.

Kadagiti innadal, maal-allukoy dagiti kakadwa nga agbalin a mas kritikal iti bagi ken iti dadduma a kakadwa seknan kadagiti kamali nga istilo ti panagtrabaho. Dakkel ti tulong dagitoy iti panangrimbaw ti adu nga indibidwal ken kolektibo a pagkapuyan ti yunit. Tulbek met dagitoy iti panangrisut kadagiti risiris nga agtataud iti agduduma ng ideya, praktika ken istilo.

"Adda dagiti risiris iti panangtudo ti usto ken kamali iti praktika, panagraira ti empirisismo ken indibidwalismo, a tuloy-tuloy a rimrimbawan ti yunit," segun ken Ka Reymundo. Iti panangkita na, addan ti panagduras kadagitoy a risiris. Ininuten nga agbalbaliw dagiti kamali a nakairuaman ken praktika dagiti kakadwa. Nairiruten ti yunit iti panangipatungpal kadagiti nagkaykaysaan," kunana.

Pasismo iti puseg dagiti pagilyan nga imperyalista

Balligi nga inangay ti National Democratic Front of the Philippines (NDFP) ti maikalima nga internasyunal a teoretikal a kumperensya nga addaan tema a Pasismo iti Maika-21 Siglo iti Puseg dagiti Pagilyan nga Imperyalista. Naaramid daytoy manipud Nobyembre 28 agingga 29 idia Utrecht, The Netherlands.

Ti kumperensya ket dinar-ayan ti 125 indibidwal manipud iti 71 partido komunista ken organisasyon ti masa. 20 kadagitoy a partido ken grupo ti nagisumite kadagiti kontribusyon a natalantan iti kumperensya. Ti kumperensya ket insagut ti NDFP iti lagip ni Ka Louie Jalandoni, proletaryo nga internasyunalista ken martir ti rebolusyon a Pilipino.

Ti 2-aldaw a kumperensya ket nagbatay iti teoretikal ken istorikal a panangawat iti pasismo manipud kadagiti sinurat da Lenin, Stalin ken Mao. Pinasingkedan daytoy ti kayat a sawen ti pasismo segun iti konsepto ni Georgi Dimitrov, maysa a komunista a Bulgarian a nagserbi a pangulo ti Communist International idi dekada 1930. Kuna ni Dimitrov, ti naindasi-gan a galad ti pasismo ket aglanglanga ti "naparang a diktadura ti kakarwan a reaksyunaryo, kakarwan a sobinista ken kakarwan nga imperyalista nga elemento ti kapitalismo iti pinansya." Galad ti monopolyo kapitalismo a naidasay iti krisis ti kina-kontra-komunista, ultra-reaksyunaryo ken kinaranggas iti panangipawil iti dasig a mangmangged.

Natalantan iti kumperensya ti balbaliw a panagbwelo ti pasismo gubway ti sangalubongan kapitalista a sistema, nangruna kalpasan ti krisis iti pinansya idi 2008-2009. Tinudo da dagiti manipestasyon ti pasismo ken pasisasyon kadagiti imperyalista a pagilyan a nakaturong iti sumaganad: 1) pasisasyon ti burgis nga estado; 2) panagaramat ti AI (artificial intelligence) ken abante a teknolohiya tapno pawilan ken ad-adda a gundawayan ti dasig a mangmangged; (3) panagkaro ti sobinismo ken dagiti reaksyunaryo nga ideolohiya ken 4) panagtaud dagiti pasista a tignay masa.

Ti pasisasyon ti burgis nga estado ti proseso nu sadinno a malablabusan ti burgis a liberal a demokrasya ken maiparparang ti nakarkaro nga awtoritaryan ken dagiti represibo nga addang agturong ti naparang a panagari ti teror.

Naaddaan ti naregta a panagbibinninglay panggep ti interaksyon ti pasismo kadagiti imperyalista a pagilyan ken kadagiti neokolonya, nu sadinno a basaran a galad ti estado ti pasismo. Kadagiti malakolonya nga umuna a sububoken ken ipatpatungpal ti imperyalismo dagiti eksperimento iti panagaramat ti terorismo ti estado. Ar-aramaten daytoy ti programa a kontra-insurhensya, ayuda a militar ken manipulasyon ken nararanggas a panagipawil kadagiti umili.

Adda ti partikular a panagtalan-tan iti naisangsangayan a kapadasan ti Ireland, a mangitudtuding iti bagina kas kapitalista a malakolonya, ken Palestine, maysa nga okupado a pagilyan. Kadagiti tignay a mamagwayawaya kadagitoy a pagilyan, agtipon ti anti-pasista ken anti-imperyalista a panaglaban.

Tinudo ti kumperensya ti panagitakder kadagiti "palaban nga organisasyon" kas madagdagus a reb-bengen ti proletaryo tapno batogan ti binukel dagiti pasista a tignay a "palaban nga organisasyon." Nangted dagiti kakadwa manipud kadagiti imperyalista a pagilyan kadagiti ehemplo dagiti kongkreto nga anti-pasista a paglaban.

Inlanad da dagiti adal manipud iti gawaing masa da, kadagiti adbo-kasiya, panangsalaknib iti bagi ken panagorganisa iti uneg dagiti unyon, partido, organisasyon ken tignay. Tinalmegan da ti pagkasapulan ti pana-



ngitakder ti nalawa nga anti-pasista a nagkaykaysa a prente dagiti mangmangged ken dadduma pay a demokratiko a sektor. Kunada, kaipapanan ti panangitakder iti daytoy nga al-yansa ti panangilaksid ti sektaryanismo ken konserbatismo, bayat a managbantay kadagiti sosyal demokrata ken dadduma pay nga oportunista nga elemento. Ammo da nga ti panangidaulo ti proletaryado ket integral iti nagkaykaysa a prente iti panangisilpo kadagiti dangadang ti masa iti panangikkat iti ramut ti pasisasyon. Daytoy a panangidaulo ket tulbek iti panangduprak iti monopolyo kapitalismo ken diktadura ti burgesia.

Dagiti delegado manipud kadagiti imperyalista a pagilyan ket kumbinsido a kasapulan nga itakder dagiti natibker a partido ti mangmangged. Kasapulan nga ipatungpal dagiti operasyon a nakalemmeng, kakumbina dagiti trabaho a naparang, tapno makabayag iti sango dagiti pasista nga atake ken gun-oden dagiti balligi para iti dasig a mangmangged. Kasapulan met nga ad-adda a palawaen ti panagkaykaysa kadagiti dangadang iti puseg dagiti pagilyan nga imperyalista ken kadagiti malakolonya.

Naggibus ti kumperensya iti ababa a kultural a programa nga addaan tema a "Manipud iti Palestine agingga Pilipinas, reb-beken ti makina a panggubat ti US," kagiddan ti pananglagip iti International Day of Solidarity with the People of Palestine. **AB**

27.3% ↑

ngimmatwan ti presyo
dagiti taraon a pang-noche
buena manipud 2011,
wenna 2.3% iti tinawen.

Nagtaudan: BusinessWorld Noche Buena Index



25
tawenen

ti **People's Liberation
Guerilla Army**, armado a
takyag ti Communist Party
of India-Maoist, idi
Disyembre 2.



₱500

**badyet pang-noche
buena** nga umdas kano
para iti 5-katao a pamilya,
segun iti Department of
Trade and Industry.

Daytoy ket naglak-am ti
nakaad-adu a batikos, ken
inawagan dagiti
mangmangged ken
nakurapay a "lutang" ken
"makapainsulto."

17 COLD STORAGE FACILITY

(nalamiis a bodega dagiti produkto
tapno saan a mabulok)

a naitakder idi 2022 ken agbalar ti
₱20 milyon tunggal maysa ket
saan a mausar gapu iti palpak a
disenyo ken konstruksyon.



₱9.8 BILYON

pondo a pang-ayuda iti sidong ti
Assistance to Nationals ti
Department of Foreign Affairs ken
₱1.2 bilyon ayuda ti Agarang
Kalinga at Saklolo para sa mga
OFW na Nangangailangan a
programa ti Department of Migrant
Workers ti naipada kadagiti *flood
control* "ghost project" gapu ta
saan daytoy a malaklak-am dagiti
migrante a Pilipino.



₱17.56 TRILYON

ti utang ti Pilipinas idi agtapos ti
Oktubre 2025, nangatangato ti
10% manipud ₱16.02 trilyon idi
Oktubre 2024.

120.5%
BED OCCUPANCY
RATE

wenna bilang ti
**pasyente tunggal 100
kama kadagiti ospital
iti Pilipinas.** Bulnerable
dagiti agsakit ken
mangmangged iti salun-
at gapu iti
panagseseksek kadagiti
ospital, pakakitaan nga
adda iti krisis ti sistema
iti salun-at.

27 WEBSITE

dagiti **alternatibo a midya,
organisasyon** ti masa ken
dadduma pay ti inmandar ti
korte nga i-"unblock" wenna
aramiden nga *accessible* manen
iti publiko;

Inanamongan ti korte ti petisyon
ti Bulatlat, maysa kadagiti
naipaserra, a ti inaramid a
"panag-block" ket panangsensar
ken labsing iti wayawaya iti
panagsarita, panagiyeckas
ken panagipablaak.

4 soldado ti AFP, napatay kadagiti engkwentro iti NPA

NAPATAY TI New People's Army (NPA) ti uppat a soldado ti Armed Forces of the Philippines (AFP) iti agsina nga engkwentro idiy Samar ken Occidental Mindoro.

Iti umuna nga ulat, saan a bumaba iti dua a soldado ti 8th ID ti napatay iti armado nga aksyon ti NPA idiy Barangay Babaclayon, San Jose de Buan, Samar idi Disyembre 3. Idiy Occidental Mindoro, dua a soldado ti 76th IB ti napatay iti engkwentro idiy Sityo Balite, Barangay Lumangbayan, Abra de Ilog idi Nobyembre 26. Adu pay ti naiyulat a nasugatan kadagiti soldado.

Kabayatanna, idi Oktubre 28 ket tallo a tropa ti 62nd IB ti napatay iti engkwentro iti NPA idiy Barangay Quintin Remo, Moises Padilla, Negros Occidental. Iti pannakaabak daytoy, nagpatudo ti bala ti 62nd IB ken napatay ti maysa nga ubing nga agtawen in-nem.

Panagari a militar iti isla ti Samar ken Kalinga

Idiy Samar,manipud Nobyembre 22 ket militarizado dagiti barangay Gereganan, Marcos, San Miguel ken kadagiti kaabay a komunidad iti Gandara. Gapu ditoy, nasurok 100 residente ti barangay Marcos ken San Miguel ti kapilitan a pimmanaw kadagiti pagtaengan da. Nagiyatnag met ti hamlet ti militar ken linapdan da ti ipapan iti talon ken panagsapul iti pagbiagan.

Idiy Northern Samar, nagisayangkat ti *aerial bombing* ken panagistraping ti 8th ID idiy Barangay Nipa, Palapag idi Nobyembre 29 alas-2 ti parbangon. Nangitunda daytoy ti nakaro a buteng kadagiti residente.

Idiy Kalinga, awan sarday ti operasyon kombatan ti 103rd IB kadagiti barangay idiy Pinukpuk kasaruno dagiti engkwentro daytoy iti hukbo ti umili idi Nobyembre 21. Agkamkampo dagiti soldado kadagiti sentro ti komunidad a makaap-apektar iti pagbiagan ken seguridad ti umili. Idi Nobyembre 30, hinalughog dagiti pulis ti balay ti salaknib ti karbengan-tao a ni Elma Awingan-Tuazon idiy Barangay Cawagayan, Pinukpuk. Dinarup ti 20 pulis ti balay na iti pammabasol a mangay-aywan ti nasugatan a mannakigubat ti NPA.

Iti sabali a paset ti pagilyan, nailista dagiti kaso ti panagares-to, panagpuor ken panaglipit ti militar. Idiy Navotas City, inares-to dagiti pulis ti kontra demolisyon a lider-kababaihan a ni Jane Alfabeto idi Nobyembre 27.

Idiy Negros Occidental, pinuoran ti 15th IB ti balay ti mannalon a ni Carmelita Ulgasan idiy Barangay Linaon idi Nobyembre 28 iti pammabasol a sumupsuporta ti hukbo ti umili. Kabayatanna, agtultuloy ti panaglipit ni Warden Jsupt. Crisylrel Awe kadagiti balud pulitikal ken dadduma a balud iti pagbaludan idiy Bago City. Nagprotesta dagiti balud ken pamilya da tapno labanan daytoy idi Disyembre 3.

Idiy Masbate, tinakaw ti 2nd IB ti walo a nuang ken baka dagiti mannalon iti Lupaing Triple A idiy Cawayan, Masbate idi Nobyembre 27. Sakbay daytoy, tinakaw met dagiti soldado ti taraken nga ayup dagiti mannalon kadagiti barangay iti ili ti Mobo, Milagros ken Uson.



Israel ken US, nakedngan a nakabasol iti krimen ti henosidyo ken ekosidyo. Nagleppas ti International People's Tribunal (IPT) on Palestine a naangay idi Nobyembre 22-23 idiy Spain iti husga a nakabasol ti Zionista nga estado ti Israel ken dagiti kasabwat daytoy a gubyerno ti US, UK, Germany, France ken dadduma pay a krimen a henosidyo ken ekosidyo.

Idi Nobyembre 29, nagtataripnong dagiti grupo a maka-Palestine iti panangiyuna ti Philippines-Palestine Friendship Association tapno talantanen ken pasingkedan ti husga ti IPT. Sinaruno daytoy ti ababa a tignay iti sango ti University of the Philippines-Manila nu sadinno a naangay ti taripnong.

2-aldaw a kalampagan ti katutubo a Cordilleran idiy NCR. Indeklara dagiti katutubo manipud idiy Cordillera a balligi ti 2-aldaw a kalampagan iti nailyan a kabisera nga insayangkat da idi Nobyembre 25 ken 26. Panggep ti kalampagan nga ipakaammo kadagiti ahensya ken departamento ti gubyrno, kasta met iti Konggreso, dagiti arungaing dagiti katutubo manipud iti rehiyon. Ti kalampagan ket inyuna ti Cordillera People's Alliance.

Plano a demolisyon idiy Taytay, kinundendar. Nagprotesta iti sango ti munisipyo ti Taytay, Rizal dagiti residente kadagiti sityo ti Sapang Gody ken Siwang ti Barangay San Juan idi Nobyembre 26 tapno umawag ti dayalogo iti lokal a gubyrno ken kundenaren ti pangta a demolisyon iti lugar da. Pilit a kamkamkamen ti Sta. Lucia Corporation ken ni Kristina Robles ti nakaitakderan ti pagtaengan da.

Kabataan, sumupsupyat iti Davao Bus Project. Nagprotesta ti Anakbayan-SMR idi Nobyembre 24 idiy Davao City, tapno iya-wag ti panangibasura iti peke a modernisasyon ken kontra-umili a Davao Bus Project (DBP) ti lokal a konseho ti Davao City. Ti proyekto ket ipilpilit ti Asian Development Bank, kasabwat ti pamilya Duterte iti syudad. Gagem ti proyekto a pukawen ti agandar a sistema ti transportasyon idiy Davao a bukbuklen dagiti moderno ken tradisyunal a dyip, traysikel ken bus. Ti DBP ket pondoan ti ₱54 bilyon nga utang manipud iti ADB.

Ruk-atan dagiti balud pulitikal, ruk-atan dagiti mariposa ti tignay mamagwayawaya

Tinawen, tunggal Nobyembre 25, malaglagip ti International Day for the Elimination of Violence Against Women (IDEVAW). Daytoy ket panangbigbig iti panagmartir ti agkakabsat a babbai a Mirabal a pinapatay ti estado ti Dominican Republic idi 1960. Inmandar idi ti diktador a ni Rafael Trujillo ti panangpatay iti agkakabsat a da Patria, Minerva ken Maria Teresa gapu iti panaglaban da.

Dagiti agkakabsat, mabigbig kas mariposa iti pagilyan da, ti kabilang iti nangbuangay ti kontra-diktadura a tignay a "14th of June." Isuda ket nagbalin a simbolo ti kontra-diktadura a dangdang ti Dominican Republic ken uray iti sabali a pagilyan. Ti ipupusay da ti maysa a nagbalin a mitsa iti panagbagsak ti diktadura a Trujillo, innem a bulan kalpasan ti pampapatay kadakwada.

Kas ti agkakabsat a Mirabal, rinibo a babbai iti Pilipinas ti mangar-aramat iti laing, pigsa ken biag da tapno labanan ti pasismo ti estado, ilaban ti karbengan ti babai ken baliwan ti gimong. Kas kadagiti Mirabal, ranggas met ti sungbat kadakwada ti estado. Isuda ket biktima ti panagaresto, panagdukot, detensyon, sekswal a panagabusos, pwersado a panagpukaw ken pampapatay.

Kinaranggas ti saan a nainkalintegan a panagaresto ken detensyon

Kabilang iti biktima ti kinaranggas ti estado ti agkakabsat a Banjawan. Ni Fatima nga organisador ti Gabriela Youth ket inaresto ti 85th IB idi Agosto 2, 2024 idia Santa Elena, Camarines Sur. Kalpasan ti mano a bulan, ni Pauline ket inaresto ti 59th IB idi Abril 26. Agpada da a naipasidong iti pisikal ken mental a torturya ti militar.

Da Fatima ken Pauline ket sumagmamano laeng iti ginasut a babbai a biktima ti panagaresto ken panagdukot iti sidong ti rehimen US-Marcos.

Segun iti rekord ti grupo a Karapatan, adda ti 696 a balud pulitikal iti pagilyan nu sadinno a 164 ti

naaresto iti sidong ti rehimen Marcos. Kadagiti balud, 146 ditoy ket babbai. Nakailista met ti Ang Bayan ti 63 a kaso ti panagaresto ti babbai, tallo kadagitoy ket addaan kadwa nga ubbing wenno maladaga idi naaresto, ken lima kadakwada ket masakog. Kaadwan kadagiti naaresto ket manipud iti Negros (14), sumaruno iti Bikol (10) ken Southern Tagalog (9).

Puntirya ti estado dagiti kabataan a babbai a nangpili nga agorganisa ken agserbi iti intar dagiti mangmangged, mannalon, mangngalap ken katutubo. Kabilang ditoy da Amanda Echanis, Michelle Campos, Emelyn Acevido, Charisse Bañez, Louvaine Erika Espina, Sofia Almonte ken Andy Magno. Isuda ket ilegal nga inaresto, dinukot ken naibalud iti kampo ti militar ken naipasidong iti mental ken/wenno pisikal a torturya sakbay a naipasa iti kapulisan tapno ibalud. Pinilaan isuda kadagiti kaso kas ti *illegal possession of firearms and explosives, homicide, murder* ken panaglabsing iti Anti-terrorism Act.

Puntirya ti vulnerable a babbai

Dagiti masakog wenno kaan-anak ket puntirya met a pagat-atapanda a Nalabbaga a mannakigubat wenno asawa ti Nalabbaga a mannakigubat. Uray dagiti maladaga ket saan a natalged iti panagdukot dagiti militar.

Idi Enero 13, 2021, banda alas-2 ti parbangon, sinerrek dagiti soldado manipud iti 79th IB ti balay da Edwin ken Marilyn Madin idia bar-



ngay San Fernando, Talisay City, Negros Occidental ken dinukot da ti dua bulan idi a maladaga a ni Baby Marx Cairo Salino. Ti maladaga ket inusar ti AFP a *hostage* tapno pwersaen dagiti nagannak na a kameng ti New People's Army nga agsurender. Agingga iti agdama ket ipapaidam ti DSWD ti kustodiya ni Baby Marx iti lolo ken lola na, segun iti mandar ti AFP.

Iti panagirteng ti krisis iti pulitika ken ekonomya iti pagilyan, kumarkaro ti kinaranggas a mapadpadan ti babbai. Ken iti daytoy a panagirteng, sigurado nga umadapay ti babbai a tumakder tapno magibusan ti pyudal-patriyarkal ken burges-dekadente a sistema.

Segun iti Makabayang Kilusan ng Bagong Kababaihan, 65 tawen kalpasan a mapapatay ti agkakabsat a Mirabal, ad-adda pay nga agbalbalin a napatpateg ti rebolusyon. Ti laeng armado a panaglaban nga addaan sosyalista a perspektiba ti agtaltalinaed a kaykaysuna a mapanggeddeng a dana tapno gibusan ti kinaranggas a nakabasar iti kasarian agingga iti naan-anay a pannakawayawaya ti babbai. AB